

Date – 12/03/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Vawiin chawhma dar 10 leh chanve ah Assembly Budget session ni 15-na chu chhonzawm leh ani dawn a, Minister pahnih Pu B. Lalchhanzova leh Pu Vanlalhlana te hna chanpuala demand sawihoa pass tum ani ang.
2. Mizoram Education Reforms Committee (MERC) chuan Mizorama zirna in hrang hrangah “Mahni Tawng Hman Ni” nei zel turin a hriattir.
3. Prime Minister Narendra Modia chuan nimin khan Keralam leh Tamil Nadu-a hmasawna project cheng vaibelchhe sing 1 leh sang 6 chuang man a hawng.
4. Sawrkar laipuaia Ministry of Petroleum and Natural Gas Joint Secretary Sujata Sharma chuan India in tuialhthei thlitfim loh crude oil a neih zat chu a tam tawk tih a sawi.

<><><>

ASSEMBLY

Vawiin chawhma dar 10 leh chanve ah Assembly Budget session ni 15-na chu chhonzawm leh ani dawn a, Minister pahnih Pu B. Lalchhanzova leh Pu Vanlalhlana te hna chanpuala demand sawihoa pass tum ani ang.

Vawiina Assembly thutkhawmah hian thutkhawm atanga darkar khat chu zawhna leh chhanna atan hun hman ani dawn a, hemi zawh hian Minister Pu B. Lalchhanzova department enkawl 3 - Land Revenue & Settlement, Food, Civil Supplies & Consumer Affairs leh Information, Public Relations, Printing & Stationery tana sum ruahman cheng vbch 365, nuai 10 leh sing 7 sang 2 bakah Minister Pu Vanlalhlana department enkawl 3 - Parliamentary Affairs, Transport Department leh Public Works Department-a sum ruahman cheng vbch 446 nuai 45 sing 1 sang 4 te chu sawiho bakah pass tum ani dawn a ni.

<><><>

TRANSGENDER CELL

Mahni pianpui nihna thlakdanglamte humhimna tur, Transgender Protection Cell leh Transgender Welfare Board din a ni.

Assembly session kal meka Leader of Opposition Pu Lalchhandama zawhna chhangin, Social Welfare, Women & Child Development Department changtu Pi Lalrinpuii chuan nikum July ni 15 khan Mizoram Police Department chuan Transgender Protection Cell an din a ti a, Transgender Welfare Board chu kum thum chhung tenure neiin, kum 2021 October khan a vawikhat nan din a ni a. He tenure tawp hnu kum 2024 October khan board thar, kum thum (3) chhung atan din leh a ni a ti bawk.



MERC

Mizoram Education Reforms Committee (MERC) chuan Mizorama zirna in hrang hrangah “Mahni Ṭawng Hman Ni” nei zel turin a hriattir.

School Education Department thuchhuah tarlan danin MERC ṭhukhawm chuan Classroom-a zirlai zir tiam lovin naupangte inbiakna pangai ah mahni ṭawng hman phal sak turin thu a pe a, ni tuk bik a awmlo tih sawiin school tin te zalenna ah a dah a, zirna in hrang hrangah “Mahni Ṭawng Hman Ni” chu zawm vek turin a hriattir a ni.

Department chuan hmalakna thar chu ṭhangtharten mahni hnam ṭawng hlutna an hriat thar nan leh hnam ṭawng thiamlo an pun zelna tur venna ani an ti a, Zirna in hrang hrangah zawm vek turin an hriattir a ni.



SESSION-DEMAND

Nimina Assembly session-ah sorkar kum 2026-27 atana Minister pahnih Prof Lalnilawma leh Pu K.Sapdanga-te department sum mamawh sawiho anih hnuah pass a ni.

Minister Prof Lalnilawma hian a department enkawl 3 tan cheng vbc sang 1,825, nuai 4, sing 5, sang 1 a demand-a; chungte chu Public Health Engineering tan cheng vbc 301, nuai 94, sing 4, sang 4 niin, Disaster Management & Rehabilitation tan cheng vbc 62, nuai 40, sing 6, sang 2, leh Rural Development & Administration tan cheng vbc sang 1, 460, nuai 69, sing 4, sang 5 a ni.

Minister Pu K.Sapdanga chuan a department enkawl 3 tan cheng vbc sang 1,297, nuai 3, sing 2, sang 8 a demand-a: chungte chu Personnel & Administrative Reforms tan cheng nuai 48, sing 3, sang 5, Home Department tan cheng vbc 887, nuai 97, sing 9, sang 9, leh Urban Development & Poverty Alleviation tan cheng vbc 404, nuai 23, sing 9, sang 4 a ni.



SESSION-STATE BORDER

Serlui Constituency Bialtu MLA Pu Lalrinsanga Ralte chuan Assam Assembly inthlanpui neih hma in Assam leh Mizoram ramri thuam chak turin sawrkar a ngen.

Nimina Assembly Session-a Home Minister Pu K.Sapdanga department enkawl sum mamawh sawihonaah Serlui Bialtu MLA Pu Lalrinsanga Ralte chuan state thenawm Assam Assembly inthlanpui awm mai turah Assam lam chuan an lo tih thin fo thin angin politics lama hlawkna tel tumin ramri chhehvelah hma an lak a rin thu a sawi a, hemi atan hian Mizoram chu lo inralrin a, invenlawk a tul thu House ah sawiin, kum 2021-a MNF sawrkar laia Mizoram leh Assam ramri a inkahna thlen hnuin Status quo-ah hmun engemaw zat dah a ni a, Mizoram lam chuan zawm tha mahse Assam lamin an zawm tha ve lo a ti a. Ramri buai hunlai a kawng laih te, duty post panna kawng sial te chu state pahnih chuan an nei teuh a, Assam lam chuan an duty post siam te leh an BOP siamte changtlung takin an siam laiin Mizoram sawrkar erawh in hma a lak chak loh thu leh ramri ah buaina leh harsatna awm leh huna hmingchhe tur chu sawrkhar tho a ni a ti.

Pu Lalrinsanga Ralte

Pu Lalrinsanga chuan Kum 2021 a ramri kawng laiha Saipum a Zunzam Camp Mizoram lam BOP awmna thin chu duty te an rauhsan lailawk hnuah Assam lamin ram tin 60 a zau vel chu an vat vak a ti a. Bialtu MLA chuan Assam lamin an rawn thut chilh leh vat a hlahu thu sawiin Home Minister chu a rang lama police duty dah nghal a, ramri venghim turin a ngen a, hmalak vat a nih loh chuan nakinah Mizoram chuan harsatna nasa zawk a tawh a hlahu thu a sawi a ni.



CBC

Sorkar laipui Ministry of Information and Broadcasting hnuai Central Bureau of Communication, Field Office Aizawl chuan nimin khan Pachhunga Univerity College ah Nari Shakti leh Viksit Bharat@2047 chungchang zirtirna an buatsaih a, He zirhona hian kum 2047 a India in hmasawn lehzuah a tumna – Ram changkang tura kawng zawhnaah hmeichhiate hmahruai theihna tur leh an telve na tur kawng in kawh hmuhnan hun hman a ni.

He hun hmanpuitu PUC Political Science Head of Dept Dr Lalthakima (chuan zirlaite chu Vision 2047 tihhlawhtlinna atana mamawh leh thil tumte ngaihtuah turin a chah a, ram himna tur ngaihtuah te, leh zirna tihhmasawn te a pawimawh thu a sawi a ni.

Imphal CBC leh PIB Functional President Dr. Engam Pame pawhin thusawiin American industrialist Henry Ford-a thusawi sawi chhawngin, “Insuihkhawm hi a bul tanna a ni. Inpumkhatna chu hmasawna a ni a, Thawhhona hi hlawhtlinna a ni,” a ti a. Hmeichhe chawikan chungchang te sawiin, zirlaite chu khawtlang nun siamna kawngah an chanvo hriatpui turin a chah a, Viksit Bharat 2047 thlen theihna tura mimal tinte thawh ho a pawimawh zia a tarlang bawk.

DDK News Aizawl Director Pu Nampibou Marinmai a pawhin Mizoramin za zela 100 literacy a neih theih dan a tarlang a, zirlaite chu zirna leh khawtlang hmasawna kawnga hmahruaitu ni chhonzawm zel turin a fuih bawk a, Viksit Bharat chu hmeichhiate tel lo chuan thil theih loh a nih thu a sawi uar hle bawk ani.

(Hruaia Aizawl PTC)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



PM

Prime Minister Narendra Modia chuan nimin khan Keralam leh Tamil Nadu-a hmasawna project cheng vaibelchhe sing 1 leh sang 6 chuang man a hawng. PM Modia hian Tamil Nadu-a Panjappur a hna hrang hrang thawh tur cheng vaibelchhe 5650 man a hawng a. Heng hmasawna ruhrel hawn tharte hian inkalpawhna leh hna thar siam kawngah nasa takin hmasawna a thlen dawn a ni.

Pu Modia hian rel service thar a vailiam bawk a. Heng zingah hian Amrit Bharat Express rel pahnih, rel pangngai pahnih leh passenger rel pakhat te an ni a. Cheng vaibelchhe sang 3680 senna tur Nilgiris leh Erode district-a Bharat Petroleum Corporation Limited City Gas Distribution Network dinna tur lungphum a phum bawk a ni.



CRUDE OIL

Sawrkar laipuaia Ministry of Petroleum and Natural Gas Joint Secretary Sujata Sharma chuan India in tuialhthei thlitfim loh crude oil a neih zat chu a tam tawk tih sawiin tunah chaun rampawn atanga lakluh zaa 70 chu Strait of Hormuz helin lakluh a ni a ti. Nimina New Delhi-a Inter-Ministerial briefing ah he thu hi sawiin Pi Sharma-i chuan tunhnaia West Asia buaina avanga harsatna karah sarwkar chuan ramin a mamawh khawp aia tam crude oil an nei tih a sawi a.



LOK SABHA

Lok Sabha Speaker Om Birla ban phuta Opposition member ten resolution an putluh chu nimin khan voice vote hmanga hnawl a ni.Sawihona chhangleitin BJP hruaitu leh Union Home Minister Amit Shah-a chuan Opposition ten Speaker rinawmna an ringhlel chu pawl a tih thu a sawi.

Hetihlai hian Samajwadi Party hruaitu Anand Bhadauria chuan opposition party ten Speaker bang tura resolution an thehluh chhan chu Lok Sabha Chair zahawmna humhim an tum vang a ni a ti thung.

